



UNIVERSITÄTS-
BIBLIOTHEK
PADERBORN

**Series Episcoporum Archiepiscoporum Et Electorum
Moguntinorum, Trevirensium Et Coloniensium**

Kolb, Gregor

Rottwilae, 1725

VD18 12054054

XLVI. Brvno II. XXV. Arch. IX. Elector.

[urn:nbn:de:hbz:466:1-64326](#)

suit & exornavit; insignem etiam promeritus est laudem moderatâ parsimoniâ, & redditum Ecclesiasticorum curâ sedulâ, quod indicant nobis verba:

⁴³ Ossa Severini gemmis ornavit & auro
Nobilis Hermannus sanguine, dives opum.

XLV. FRIDERICVS I. XXIV. ARCH.
VIII. ELECTOR.

FRidericus Comes Foro-juliensis, aut testibus Scriptorum Coloniensium calamis è Suevorum Comitum stirpe pro-gnatus, cum D. Norberto Parthenopolis Archiepiscopo egit cominus & eminus, ut quaqua versus prodeissent Ecclesiæ. Apostolicum Friderici Zelum unà cum aliis multis dilaudavit Mo-nasterium in Insula Rhenana, Rolandi dictâ, & alterum in mon-te S. Apollinaris munificentissimè extrectum. Sedit annis 32. mortuus an. 1131.

S E C U L U M XII.

XLVI. BRVNO II. XXV. ARCH.
IX. ELECTOR.

Bruno Comes de Altena in Westphalia natus, tribus in Ec-clesiis floruit Coloniæ & Confluentiæ. Merita ejus tanta fuerunt, ut licet epilepsia morbo laboraret, & Godefredus Sanctensis Præpositus æmolorum potentissimus mul-tis placeret, nihilominus Brunonem eligendum Archipræsu-lem censerent Canonicorum plures, & suaderet Imperator Lo-tharius II. Nemini nempe Elector hic displicuit magis, quam ipse sibi: quare non nisi multorum precibus, & D. Bernardi con-filiis persuasus, Coloniæ Solium conscendit, postquam jam Tre-virensium Insulam neutiquam admisit, Innocentio II. Pontifice

Bru-

Brunonis constantiam probante. Annos 6. Elector numeravit, à Lothario enim Imperatore in Italiam ductus an. 1137. in Apulia est extinctus, & Barii in templo D. Nicolai sepultus, cuius ossa clapo dein biennio Rogerius tyrannus Siculus exhumari, & per urbis compita spargi mandavit.

XLVII. HVGO. XXVI. ARCH.
X. ELECTOR.

Hugo Sponhemiensis Comes, Decanus Agrippæ Coloniae, mortuo Brunoni Successor datus in Italia, ibidem consecratione & Pallio à Pontifice impetratis Melphiæ seu Barii clapo quatriduo post sectionem venæ est mortuus, paucorum omnino mensium Archiepiscopus.

XLVIII. ARNOLDVS I. XXVII. ARCH.
XI. ELECTOR.

Arnoldus Geldriæ Comes de Simoniæ crimine ad Eugenium III. Pont. ab invidentibus delatus, & Romam usque ad dicendam Causam vocatus, alaci comparuit animo, comite conscientiâ bonâ tutissimus, qualem sanè inventit judex in terris Supremus ringentibus inimicis. D. Bernardi consiliis, quin & familiaritate usus Arnoldus, didicit periculis temporibus cedere & occurrere, vitia nimirum eradicando, & virtutes plantando per annos Sedis 14.

XLIX. ARNOLDVS II. XXVIII. ARCH.
XII. ELECTOR.

Arnoldus II. Comes de Wied per varios in Collegio Canonicorum Coloniensium gradus ad supremum denique ascendit annorum 5. Elector, qui sui ævi luit moesta tempora, & D. Bernardi mortem plurimis luctuosissimam. Gesta Arnoldi hujus probavit maximè Conradus III. Imperator